


Peranan Jawatankuasa Perhubungan:

Ada pun peranan pertama yang telah dapat dilaksanakan oleh Jawatankuasa Perhubungan ((Jamiyah al-Dakwah Islamiyyah)) daerah Kuala Selangor – yang baru dibentuk itu – terhadap masyarakat ialah:

Pada 27 haribulan April 1969 yang telah lalu mengadakan mesyuarat ((jawatankuasa kecil)) dengan dihadiri oleh kesemua ahli-ahlinya yang bertanggungjawab mengendalikan jawatankuasa tersebut, termasuk empat orang pemuda belia Jeram. Di antara keputusan yang telah diambil ialah:

((Mengadakan kelas pelajaran agama. Kelas itu terbuka kepada semua lapisan masyarakat Islam yang akan diadakan pada tiap-tiap hari minggu. Seorang guru agama yang terlatih untuk berkhidmat mengajar di kelas tersebut sedang difikirkan)).



Yang Mulia Syed Nasir bin Ismail Yang Dipertua “al-Jamiyah al-Dakwah al-Islamiyyah Selangor” sedang memberikan ceramahnya di dalam majlis pembentukan “Jawatankuasa Perhubungan Jamiyah al-Dakwah al-Islamiyyah” cawangan Selangor Selatan.

Kami bagi pihak majalah Qalam menyanjung tinggi usaha-usaha murni yang bakal dijalankan ini, dengan mengiringkan doa restu, mudah-mudahan akan diberkati Allah dan mendapat kejayaan yang gilang-gemilang. Amin.- Pengarang.

Harap Maaf!

Oleh kerana keluaran majalah Qalam bilangan (224) yang lalu tidak ada menyiaran ruangan “Khutbah Jumaat dari Masjid al-Harām” maka ada di antara para pembaca yang mengirimkan surat-surat pertanyaan, mengapa ruangan “Khutbah Jumaat dari Masjid al-Harām” itu ditiadakan di dalam majalah Qalam keluaran bulan lalu? Maka di sini kami meminta maaf kerana naskhah asal khutbah-khutbah tersebut terlambat sampainya kepada kami, maka di dalam bilangan ini juga kami tiada dapat menyiarannya. *In shā-Allāh* keluaran majalah Qalam bulan depan (bilangan 226) akan kami adakan semula ruangan yang sangat diminati oleh para pembaca itu – Pengarang.